

3,000 WARGA UniMAP MERIAHKAN AIDILFITRI @ UniMAP 2019

Oleh : Mohd Basri Basir

Lebih 3,000 warga Universiti Malaysia Perlis (UniMAP) menghadiri majlis Aidilfitri @UniMAP yang diadakan di Dewan Ilmu, Kampus Alam UniMAP Pauh Putra, baru-baru ini.

Raja Muda Perlis Tuanku Syed Faizuddin Putra Jamalullail berkenan bercemar duli berangkat hadir merasmikan sambutan tersebut. Turut bercemar duli berangkat hadir, Raja Puan Muda Perlis, Tuanku Lailatul Shahreen Akashah Khalil.

Keberangkatan tiba baginda berdua disambut oleh Naib Canselor, Prof Dr. R. Badlishah Ahmad dan ketiga-tiga timbalan beliau.

Turut hadir di majlis bersempena 'Riang Ria Aidilfitri @ UniMAP 2019' yang dihadiri lebih 3,000 orang tetamu itu ialah Pengerusi Lembaga Pengarah Universiti, Prof Emeritus Datuk Ir-Dr Kamarudin Hussin.

Pada majlis itu juga, baginda berkenan mengadakan pertemuan dengan kepimpinan tertinggi University of Yamanashi dari Kofu, Jepun serta delegasi Pusat Bahasa dari Thammasat University, Bangkok, Thailand.

